

欽定八旗通志卷二百二十九

人物志二百九

忠義傳二十一

漢軍八旗一
天命六年至順治十五年共七十

五人

高守官

高守官漢軍鑲黃旗人任鴨綠江鎮守堡官天命
六年中軍陳萬策叛執鎮守遊擊佟養正送明總
兵毛文龍守官與焉遂遇害

恩賜騎都尉世職

承襲詳見世職表

花應春

花應春漢軍鑲黃旗人崇德三年以佐領隨多羅貝勒巴彥征明至山東攻臨清城先登戰歿

賞卹如例

崔應泰

崔應泰漢軍鑲黃旗人原籍廣寧初任佐領崇德七年隨和碩鄭親王濟爾哈朗征明錦州同四都

統兵督放紅衣礮攻塔山城礮裂被傷而歿

賞卹如例

張思孟

張思孟漢軍鑲黃旗人初襲三等輕車都尉世職
任佐領順治二年從大兵征山東濟寧州梁山泊
土賊力戰陣亡

恩賜二等輕車都尉給葬銀五百兩立碑銀三百次子遵

聖襲

張必科

張必科漢軍鑲黃旗人順治四年由貢生授直隸
慶雲令時土賊多警會上元夕賊衆出掠率兵捕
之縛三渠斬以徇其黨大合衆圍城賊黨內應者
啟門納賊賊大至必科巷戰截殺引弓忽絃斷挺
戈躍戰賊環圍之援兵不至舉火自焚

賜祭葬

賞按察司僉事崇祀名宦祠

張文衡

張文衡漢軍鑲黃旗人原籍開平衛順治元年以
佐領入關從大學士范文程叅贊軍務山東流寇
趙應元作亂文衡討平之以功遷江南徽寧道按
察司副使又平巨寇汪張飛等悉招降諸叛官遂
陞甘肅巡撫五年回民米喇印作亂殺總兵官文
衡率家丁三十餘人巷戰歿事

開

賜祭葬授其子張祖訓知州康熙元年

恩贈通議大夫都察院右副都御史

管一舉

管一舉漢軍鑲黃旗人順治元年授山西德勝路
叅將五年十一月大同總兵姜瓖叛脅從不屈遇
害其妻及長子致忠子婦孫女等一十三人皆就
戮幼子承業乳母懷之逃出得免

恩贈一舉副將

馬成功

馬成功漢軍鑲黃旗人

國初投誠順治六年隨和碩鄭親王濟爾哈朗征湖
廣偽帥何通霄馬進忠率賊來犯成功同尚書阿
哈尼堪擊敗之旋隨都統金維城擊賊郝搖旂恢
復袁州等處賊將馬進忠復聚眾來犯成功奮勇
力戰陣亡

恩賜雲騎尉世職

承襲詳見
世職表

傳進忠

傳進忠漢軍鑲黃旗人順治二年隨明將左夢庚
投誠授雲騎尉十六年隨安南將軍內大臣達素
征福建海寇鄭成功十七年五月至廈門力戰陣
亡

恩賜騎都尉世職

承襲詳見
世職表

祖大春

祖大春漢軍正黃旗人大壽之弟也任佐領崇德

三年隨揚威大將軍多羅貝勒岳託征明至山東
攻濟寧州城率本營領兵以雲梯先登中礮歿於
陣

恩賜騎都尉世職

承襲詳見
世職表

尙安福

尙安福漢軍正黃旗人崇德三年隨揚威大將軍
多羅貝勒岳託征明至山東攻鄒縣以雲梯上城
歿於陣

恩賜騎都尉世職

承襲詳見世職表

祖應元

祖應元漢軍正黃旗人初任佐領崇德八年隨和碩鄭親王濟爾哈朗征明攻中後所以本叅領火礮從旁擊其城破之進取前屯衛復以礮攻克其外城論功授騎都尉順治元年隨都統葉臣平定山西督紅衣礮克太原城十一月隨定國大將軍和碩豫親王多鐸平定河南二年四月進攻揚州

府城中礮歿於陣

恩賜騎都尉世職

承襲詳見世職表

李向舜

李向舜漢軍正黃旗人明寧遠伯李成樑之孫也

順治元年以署叅領隨定國大將軍和碩豫親王

多鐸南征督紅衣礮攻武岡寨克其城二年四月

攻揚州府城中礮歿於陣

恩賜雲騎尉世職

承襲詳見世職表

金應得

金應得漢軍正黃旗人世居瀋陽地方由驍騎校
委署叅領順治二年隨大兵征江南四月攻揚州
府城中礮陣亡

恩賜雲騎尉世職

承襲詳見
世職表

成大業

成大業漢軍正黃旗人累任江西湖東道順治五
年正月江西逆鎮金聲桓叛約大業共謀不從被

執罵賊不絕聲遂遇害八年

賜祭一次

李向堯

李向堯漢軍正黃旗人順治元年任山西叻馬路
叅將五年十一月大同總兵姜瓖叛向堯被執脅
降不屈闔家七十餘口殉難

恩贈左都督僉事

王自明

王自明漢軍正黃旗人初任佐領順治三年隨征
陝西遇流賊孫守法率本旗兵敗之又賊帥賀珍
率馬步兵五千餘列陣於山自明隨定西大將軍
何洛會擊敗之五年十一月山西總鎮姜瓖叛六
年七月隨征西大將軍和碩巽親王滿達海往征
九月攻汾州府城中礮陣亡

恩賜騎都尉世職

承襲詳見
世職表

劉應舉

劉應舉漢軍正黃旗人初任佐領隨大兵攻明右衛朔州督紅衣礮克其城順治六年七月隨征西大將軍和碩巽親王滿達海征山西叛鎮姜瓖九月攻汾州府北關廂越衆先登遂歿於陣

恩賜騎都尉加一雲騎尉世職

承襲詳見世職表

柏天儲

柏天儲漢軍正黃旗人父永馥初爲明武官率所屬投誠授騎都尉世職天儲初任侍衛兼佐領順

治五年九月隨定遠大將軍和碩鄭親王濟爾哈

朗征湖廣流賊李錦六年至岔路口奮勇擊賊陣

亡加

恩賜三等輕車都尉世職

承襲詳見世職表

張鴻猷

張鴻猷漢軍正黃旗人初任守備隨定國大將軍

豫親王多鐸南征平定河南江南攻揚州嘉興二

府及江陰縣武岡寨四城俱督紅衣礮克之順治

五年十一月山西總兵姜瓖叛六年七月隨征西
大將軍和碩巽親王滿達海往討八月攻大同府
渾源州督本旗紅衣礮克其城進取中衛戰歿於
陣

恩賜騎都尉世職

承襲詳見
世職表

郭名望

郭名望漢軍正黃旗人世居鐵嶺地方崇德八年
以驍騎校隨征明用烏鎗攻克前屯衛取中後所